



Ўзбекистон Республикаси Президентининг ФАРМОНИ

1941-1945 йиллардаги УРУШ ВА МЕҲНАТ ФРОНТИ ФАХРИЙЛАРИНИ ИЖТИМОИЙ ҚўЛЛАБ- ҚУВВАТЛАШНИ ЯНАДА КУЧАЙТИРИШ ЧОРА- ТАДБИРЛАРИ Тўғрисида

1941-1945 йиллардаги уруш ва меҳнат фронти фахрийларини манзилли ижтимоий қўллаб-қувватлашни янада кучайтириш, тиббий ҳамда санаторий-соғломлаштириш соҳасида хизмат кўрсатиш даражаси ва сифатини ошириш ҳисобига уларнинг соғлигини мустаҳкамлаш учун қўлай шарт-шароитлар яратиш мақсадида:

1. 2015 йилдан бошлаб шундай тартиб жорий этилсинки, унга мувофиқ 1941-1945 йиллардаги уруш ва меҳнат фахрийлари йилига бир марта ўзлари учун мақбул муддатларда Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Ўзбекистон Касаба уюшмалари федерацияси Кенгаши ҳамда республика давлат ва ҳўжалик бошқаруви органларининг санаторий-соғломлаштириш муассасаларида бепул соғломлаштириш курсидан ўтиш ҳуқуқига эга бўладилар.

Белгиланган қўйилсинки, уруш ва меҳнат фахрийлари учун санаторий-соғломлаштириш муассасаларида йўлланмалар қўйимати Ўзбекистон Республикаси Давлат бюджетни маблағлари ҳисобидан қопланади.

2. Ўзбекистон Республикаси Молия вазирлиги 2015 йил ва ундан кейинги йиллардаги Ўзбекистон Республикасининг Давлат бюджетни параметрларида уруш ва меҳнат фронти фахрийларини соғломлаштиришга сарфланадиган харажатларни молиялаштириш учун маблағлар ажратилишини назарда тутсин.

3. Ўзбекистон Республикаси Вазирлар Маҳкамаси, Ўзбекистон Касаба уюшмалари федерацияси Кенгаши ва «Нуроний» жамғармаси:

бир ҳафта муддатда уруш ва меҳнат фронти фахрийларини соғломлаштириш Ўзбекистон Республикасининг Давлат бюджетни маблағлари ҳисобидан таъминланадиган Касаба уюшмалари федерацияси Кенгашига, давлат ва ҳўжалик бошқаруви органларига қарашли санаторий-соғломлаштириш муассасаларининг рўйхатини аниқлаштирсинлар;

санаторий-соғломлаштириш муассасаларининг моддий-техника базасини янада мустаҳкамлаш, уларда уруш ва меҳнат фронти фахрийларининг бекаму кўст соғломлаштирилишини таъминлаш учун зарур шарт-шароитларни яратиш чораларини кўрсинлар.

4. Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Молия вазирлиги, Ўзбекистон Касаба уюшмалари федерацияси Кенгаши, ўз қарамоғида санаторий-соғломлаштириш муассасалари бўлган вазирликлар, идоралар, компаниялар, уюшмалар ва йирик корхоналар:

бир ой муддатда 1941-1945 йиллардаги уруш ва меҳнат фронти фахрийларини ўз қарамоғида санаторий-соғломлаштириш муассасаларида соғломлаштириш тартиби тўғрисидаги Низомни ишлаб чиқиб, тасдиқласинлар, унда уруш ва меҳнат фронти фахрийлари учун йўлланмалар қўйиматини Ўзбекистон Республикасининг Давлат бюджетни маблағлари ҳисобига белгиланган нархларда тўлаш тартибини назарда тутсинлар;

Низом тасдиқлангандан кейин 10 кун мобайнида уни вазирликлар ва идоралар ҳайъатларида, компаниялар, уюшмалар ва йирик корхоналарнинг бошқаруви йиғилишларида кўриб чиқсинлар;

кўриб чиқиш натижалари бўйича тегишли идоравий меъёрий-ҳуқуқий ҳужжатларни қабул қилсинлар.

5. Ўзбекистон Республикаси Меҳнат ва аҳолини ижтимоий муҳофаза қилиш вазирлиги Адлия вазирлиги ҳамда бошқа манфаатдор вазирлик ва идоралар билан биргаликда бир ой муддатда ушбу Фармонга мувофиқ қонун ҳужжатларига ўзгартиш ва қўшимчалар бўйича Вазирлар Маҳкамасига тақлифлар киритсин.

6. Мазкур Фармоннинг ижросини назорат қилиш Ўзбекистон Республикасининг Бош вазир Ш.М.Мирзиёев зиммасига юклансин.

Ўзбекистон Республикаси Президенти
И.КАРИМОВ

Тошкент шаҳри,
2014 йил 13 октябрь

ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВНИНГ МУСТАҚИЛ ДАВЛАТЛАР ҲАМДЎСТЛИГИ ДАВЛАТ РАҲБАРЛАРИ КЕНГАШИНИНГ МАЖЛИСИДАГИ НУТҚИ

Муҳтарам раис!

Ҳурматли давлат раҳбарлари!

МДХ давлат раҳбарларини қутлаш, Беларусь Республикаси Президенти Александр Григорьевич Лукашенкога меҳмондўстлик учун самимий миннатдорлик билдириш менга катта мамнуният бағишлайди.

Учрашувимиз, бу ерда таъкидланганидек, халқаро вазият шиддат билан ўзгараётган, геосиёсий кескинлик ва сиёсий қарама-қаршилиқлар авж олаётган, қачон тугаши ёки пасайиши номаълум бўлган глобал молиявий-иқтисодий инқироз давом этаётган, диний фанатизм радикаллашаётган ва фаоллашаётган, яқин ва узоқ мамлакатларда зиддиятли вазиятлар кескинлашиб бораётган бир шароитда ўтмоқда.

Кенг тарқалаётган зўравонлик, терроризм, экстремизм ва наркотрафикнинг реал таҳдидлари кучайиб, айрим мамлакатлардаги вазиятни ўта чигаллаштириб, юзага келган қарама-қаршилиқларни хунрезликка айлантираётган ва ўзини назорат қила олмай қолган баъзи сиёсатчи ва сиёсатдонларнинг, айниқса, телеканаллар орқали агрессив даъватлар билан чиқаётгани бизни ташвишга солмай қўймайди, албатта.

Юзага келаётган таҳликали вазиятни тўғри баҳолашлик қандай фожияли оқибатларга олиб келиши мумкинлигини тасаввур қилиш қийин эмас.

Масалан, Афғонистонда қарийб 35 йилдан буюн давом этаётган биродарқушлик уруши миллионлаб одамларнинг умрига зомин бўлди, яна миллионлаб инсонларни қочқинга айлантирди. Мамлакат иқтисодиётини буткул издан чиқариб, вайронагарчиликка олиб келди. Бугун шундай бир авлод вояга етдики, улар қурол тутиш ва ундан фойдаланишдан бошқа ҳеч нарсани билмайди. Бу мамлакатни босиб олиш осон эмаслиги азалдан маълум эди. Бунга Афғонистон тарихидан кўплаб мисоллар келтириш мумкин. Биз, ҳаммамиз бу мисолларни яхши биламиз ва шунга қатъий ишонамизки, Афғонистон муаммосини ҳарбий йўл билан ҳал этиб бўлмайди.

Биз Афғонистоннинг яқин қўшниси сифатида бугун қатъий ишонамизки, ушбу мамлакатда бир-бирига қарши курашаётган барча асосий этник-диний сиёсий кучлар вакилларида иборат янги ҳукумат қанчалик тез шакллантирилса, бу беқарорликка, қашшоқликка барҳам бериш, издан чиққан иқтисодиётни қайта тиклаш, мамлакатда тинчлик ва осойишталикни таъминлаш учун йўл очиб беради.

Украина масаласига келсак, бизнингча, юзага келган муаммоларни ҳал этиш усули сифатида куч ишлатишдан воз кечиш, фақат халқаро ҳуқуқнинг муҳим нормаларига ва БМТ Низомига асосланган сиёсий вазирлардан фойдаланиш, томонларнинг ўт очишни тўхта-тиш ва ярашиш бўйича Минск келишувини сўзда эмас, амалда тўла бажариши Украинада тинчлик ўрнатиш бўйича музокаралар жараёни учун зарур шароит яратиши мумкин.

Афсуски, бу борада кўзда тутилган ва музокара жараёنларига ёрдам берадиган жиддий сиёсий масалалар муҳокамаси ҳамон бошланган йўқ.

МДХ давлат раҳбарларининг бугунги учрашувига бевосита тааллуқли бўлган яна бир

масалага эътиборингизни қаратмоқчиман. Икки кун аввал бизнинг учрашувимизда Украина президенти жаноб П.Порошенко иш-тирок этиши ҳақидаги хабар муҳим янгилик сифатида тарқатилди. Бироқ, кеча кечкурун жаноб П.Порошенко учрашувга келмаслиги, унинг режалари ўзгариб қолгани хабар қилинди. Бизнингча, бундай қарорни маъқуллаб бўлмайди. Салкам бир йилдирки, Украинадаги қарама-қаршилиқлар энг долзарб муаммолардан бири сифатида бутун дунёда, жумладан, собиқ иттифоқ ҳудудидида муҳокама этиб келинмоқда. Дарвоқе, бугун энг чекка туманлар, қишлоқлар аҳолиси ҳам Украинада қандай воқеалар рўй бераётганини телевидение орқали кўриб, билиб турибди. Бундай шароитда ушбу воқеаларга лоқайд қарайдиган одам бўлмаса керак. Украинада нималар юз бераётгани ва булар қандай бошланганидан деярли барча яхши хабардор. Ўзаро курашаётган томонлар ўртасидаги зиддиятлар қачон ва қандай тугашини ҳамма кутмоқда. Бинобарин, бу муаммо имкон қадар тезроқ ўз ечимини топиши даркор.

Шу ўринда ўзимизга савол берайлик: МДХ давлат раҳбарларидан қайси биримиз жаноб П.Порошенко билан юзма-юз учрашдик? Фақат айримларгина. Ўтган вақт мобайнида П.Порошенко Европанинг кўплаб мамлакатларида, айниқса, Брюсселда, бошқа давлатларда бўлди.

Холбуки, у МДХнинг бугунги саммити мажлисида иштирок этиб, имкониятдан фойдаланиши мумкин эди. Дарвоқе, Украина ҳали МДХ таркибидан чиққани йўқ. Шундай таассурот пайдо бўлмоқдаки, жаноб П.Порошенко икки-уч турибди ва МДХдан чиқиш фойдаи ёки зарарини эканлигини ўзига аниқ тасаввур қила олмаяпти. Энг муҳими, у бугунги мажлисида иштирок этиб, ўз фикрини баён қилганида, Украина муаммосини ҳал этиш борасида биз учун аниқлик киритилган бўлар эди. Афсуски, бундай бўлмади.

Ҳурматли дўстлар!

Бугунги мажлисимиз раиси Александр Григорьевич Лукашенко ўз нутқининг пировардида МДХни янада ривожлантириш истиқболларини ошқора муҳокама қилиш вақти келганини таъкидлади.

Биз учун МДХнинг аҳамияти, барчамизнинг манфаатларимиз ҳисобга олинган ҳолда, шериклар билан ўзаро фойдали ва серқирра ҳамкорликни янада кенгайтиришдан манфаатдорлигимиз аниқ ва равшандир.

Ҳамдўстлик – бу амалдаги мустаҳкам шартномавий-ҳуқуқий базага эга, пухта ишлаб чиқилган восита ва механизмлари асосида бевосита халқаро мулоқот, долзарб масалаларни муҳокама қилиш, унга аъзо давлатлар ўртасидаги мунозара ва турлича қарашларни ҳал этиш учун кенг имкониятлар тақдим этадиган тузилмадир.

МДХ мамлакатларимизни барқарор ривожлантириш, савдо-иқтисодий ҳамкорлик соҳасидаги маъжуд салоҳиятдан кенг фойдаланиш, террористик ва экстремистик ҳаракатларнинг вақтида олдини олиш, уларга қарши курашиш ва бартараф этиш, энг муҳими, собиқ иттифоқ ҳудудидида фуқароларнинг ўзаро мулоқот қилишига қўмақлаш бўйича мақбул ёндашувлар, мувофиқлаштирилган ама-

лий чоралар ишлаб чиқишга хизмат қилмоқда. Бугун ушбу ҳудудда ўзининг эртанги кунини МДХнинг шартномавий базаси яратган мулоқотсиз тасаввур қила оладиган мамлакат кам. Хатто Грузия ҳам жиддий хатога йўл қўйганини бугун тушуниб етмоқда.

МДХ маконида барқарор тараққиётни таъминлаш, биринчи навбатда, ўзимизга, яъни Ҳамдўстлик давлатларига боғлиқ. Бу борада мен барча яқин ва узоқ қўшнilar билан бир-биримизни тушуниш, пухта ўйланган ижтимоий-иқтисодий сиёсатни самарали амалга ошириш, аҳоли учун муносиб ҳаёт даражасини таъминлаш, ўз жамиятимизни бунёдкорлик йўлида бирлаштириш зарурлигини назарда тутмоқдаман.

МДХ ҳудудидида айни пайтда амалда қўлла-нилаётган савдо тартибига зарар етказмайдиган принципларга асосланган муаммалар эркин савдо зонасини ташкил этиш ва уни тезроқ ишга тушириш кўп жиҳатдан ушбу мақсадларга эришиш, мамлакатларимиз ўртасида ўзаро савдо ва инвестицияларни кенгайтириш учун қўлай шарт-шароит яратиш имконини беради. Бугун Владимир Путиннинг ўзаро муносабатларимизни янада мустаҳкамлаш учун энг жозибадор модель сифатида ушбу тартибни ишга тушириш вақти аллақачон етгани ҳақидаги тақлифини мамнуният билан тингладим.

Бу халқларимизни яқинлаштирадиган ва жиддий баҳс-мунозараларга сабаб бўлаётган масалаларни узил-кесил ҳал этишга ёрдам берадиган ягона иқтисодий модель бўлиб, бунга биз бежиз алоҳида эътибор қаратаётганимиз йўқ.

Фурсатдан фойдаланиб, собиқ иттифоқ маконида бошқа интеграцион бирлашмалар шакллантирилишига қарамай, МДХ фаолияти йўлида бирон-бир тўсиқ йўқлигини яна бир бор таъкидламоқчиман. Бу ўринда гап Евроосиё иқтисодий иттифоқи ҳақида бормоқда. Бу ерда ҳам муҳокамага сабаб бўладиган ҳеч қандай муаммо кўрмаймиз.

Шу билан бирга, ушбу давлатларaro бирлашмаларнинг ҳар бири, жумладан, негизда Евроосиё иқтисодий иттифоқи тузилаётган МДХ ҳам – дарвоқе, ушбу иттифоқ нима асосда ташкил этилаётгани ҳақида ўйлаб кўриш ҳам мақсадга мувофиқ бўлур эди – бир-бирини тақдорламасдан, ўз фаолиятини мустақил йўлга қўйиши, ривожланиш концепцияси ва узоқ муддатли дастурига эга бўлиши муҳим, деб ҳисоблаймиз. Агар мазкур шартларга риоя этилмаса, ушбу бирлашмаларнинг ўзаро мувофиқ равишда фаолият кўрсатишига умид қилиш қийин.

Шу ўринда МДХ масалаларининг бугунги муҳокамаси уларга бежиз эътибор қаратмаётганимизни яна бир бор тасдиқлайди. Мен аввал ҳам айнан мана шу залда бу масала бўйича қуйидаги фикрни баён қилган эдим: мазкур жараён шу залда давом этаверса, яъни МДХ саммитларига шунчаки бориб-келинаверса – бу ўзини кўрсатишдан бошқа ҳеч нарсаси эмас. Шунинг учун кўплаб ҳамкасбларимизнинг ушбу масалаларга, айниқса, МДХ истиқболи билан боғлиқ масалаларга жиддий эътибор қаратиш зарурлиги ҳақидаги фикрларига қўшиламан.

Эътиборингиз учун ташаккур.



МАМЛАКАТИМИЗДА

● Самарқанд шаҳрида «Меҳнат соҳасида асос солувчи тамойиллар ва ҳуқуқлар» мавзусида минтақавий семинар ўтказилди. Ўзбекистон Касаба уюшмалари федерацияси кенгаши томонидан Халқаро меҳнат ташкилоти ва Халқаро касаба уюшмалари конфедерацияси билан ҳамкорликда ташкил этилган тадбирда Жиззах, Сирдарё,


Навоий ва Самарқанд вилоятлари касаба уюшмалари ташкилотлари бирлашмалари ходимлари, ҳамкор идоралар вакиллари қатнашди.

● Фарғона вилояти Тошлоқ туманида «Соғлом бола йили» Давлат дастури ижроси доирасида кенг қамровли ишлар амалга оширилиб, 21 миллиард сўмликдан ортиқ маблағ йўналтирилди.

● Бухоро вилоятининг Жондор туманидаги гишт ишлаб чиқарадиган «Жондор гишти инвести» масъулияти чекланган жамияти цехлари модернизация қилинди. Натижада маҳсулот сифати янада яхшиланди, ишлаб чиқариш ҳажми ошди. Электр

энергияси 20, табиий газ сарфи 60 фоизгача тежалмоқда.

● Гулистонда Сирдарё вилояти ўрта махсус, касб-хунар таълими бошқармаси, «Камолот» ёшлар ижтимоий ҳаракати вилоят кенгаши ҳамда ҳуқуқ-тартибот идоралари ҳамкорлигида одам савдосига қарши курашиш, ушбу жиноятнинг олдини олишга бағишланган ёшлар акцияси ўтказилди.



● Францияли олим Жан Тироль бозорни бошқариш йўналишида олиб борган самарали тадқиқотлари учун

иқтисодиёт йўналиши бўйича Нобель мукофотининг бу йилги соҳиби бўлди.

● Бугун Мозамбикда Президент ва парламент сайловлари бўлиб ўтмоқда. Бунда собиқ мудофаа вазири, 55 ёшли Филипе Ньуси давлат раҳбарлигига асосий даъвогар ҳисобланса, Ренаму Афонсу Блакама бу борада унинг бош рақибидир.

● Кеча Индонезия соҳилларида 5,3 балли кучли zilзила рўй берди. Энг муҳими, табиий офат натижасида цунами юзага келмаган. Ҳозирча, ер қимирлашидан жабрланганлар ва вайронагарчиликлар ҳақида маълумотлар йўқ.

Диққат, викторина давом этади!

«СИЗ ТОШКЕНТНИ БИЛАСИЗМИ?»



Савол:

Тошкентда Темурийлар тарихи давлат музейи қачон очилган?

Мустақил Ўзбекистонимиз танлаган ўз тараккиёт йўлидан дадил одимлаб, юксак марраларни эгалламоқда. Истиқлол йилларида Президентимиз раҳнамолигида мамлакатимизнинг барча ҳудудларида бўлгани каби, пойтахтимиз Тошкент шаҳрида ҳам улкан бунёдкорлик ишлари олиб борилди ва изчил давом эттирилмоқда. Барпо этилаётган маданий-маъмурий иншоотлар, турар жойлар, йўллар ва кўприклар, хибонлар, фавворалар, қайта таъмирланиб, янгича ҳусну тароват касб этган қадимий обидалар, қадамжолар гўзал ва бетакрор шаҳримиз кўркамга кўрк қўшмоқда.

Пойтахтимиз жамолини кундан кунга оқибатан ободонлаштириш ва кўламазорлаштириш ишларининг катта ижтимоий ва тарбиявий аҳамиятини, кенг қўламли ўзгариш ва янгиланишлар энг буюк нёъмат — Мустақиллик берган имкониятларнинг амалдаги самараси эканини, ватанпарварлик она юртни ўрганишдан бошланишини инобатга олиб, Тошкент шаҳар ҳокимлиги ва «Тошкент оқшоми» —

«Вечерний Ташкент» газеталари тахририяти «Сиз Тошкентни биласизми?» викторинасини ўтказмоқда.

Викторинада барча газетхонлар, пойтахт аҳолиси ва меҳмонлар ёши ва маълумотидан қатъий назар, иштирок этишлари мумкин.

Газеталарнинг ҳар сониди битта викторина саволи эълон қилинади. Кўрсатилган манзилга энг аввал етган тўғри жавоб ғолиб саналади.

Ҳар ўнта саволдан кейин энг кўп тўғри жавоб йўллаган ғолиб аниқланади.

Ғолибларга қимматбаҳо совғалар топширилади.

Викторинанинг мутлоқ ғолиби Ўзбекистон Республикаси давлат мустақиллигининг 24 йиллиги арафасида аниқланади.

Викторина жавоблари «Тошкент оқшоми» — «Вечерний Ташкент» газеталари тахририятига ёки gazeta-vto@mail.uz, info@tashkent.uz электрон манзилларига йўллангани лозим.

Мурожаат учун телефонлар:

233-29-33, 233-29-55, 233-45-84.

Ёшлар ижод саройида VII халқаро Тошкент фотобиенналесеси ғолиб ва совриндорларини тақдирлашга бағишланган тадбир бўлиб ўтди.

2014 йил — Соғлом бола йили

САНЪАТ БАЙРАМИ
ЯКУНЛАНДИ

Унда турли вазирилик ва идоралар, ижодий ва жамоат ташкилотлари, мамлакатимизда фаолият кўрсатаётган хорижий дипломатик корпус вакиллари, мусаввир ва фотографлар, санъатшунослар, бадий таълим йўналишидаги олий ўқув юртлири профессор-ўқитувчилари, талабалар, санъат мухлислари иштирок этди.

Ўзбекистон Бадий академияси раиси А.Нуриддинов, танлов ҳакамлар ҳайъати раиси, Россия халқаро рассомлар конфедерацияси ижроия кўмитаси раиси М.Фатулин ва бошқалар Президент Ислам Каримов раҳнамолигида санъат ривожига кўрсатилаётган улкан ғамхўрлик юксак самаралар бераётганини таъкидлади.

«Ушашлик. Тасаввур ва борлик» шиори остида ўтказилган ушбу биенналедан кўзланган асосий мақсад истиқлол йилларида халқимиз, айниқса, ёш авлод маънавиятини юксалтириш, юртимизда маданият ва маърифат, таълим-тарбия соҳаларида эришилган улкан ютуқлар билан хорижлик ижодкорларни таништириш, фоторассомлар, санъатшуносларнинг ўзаро фикр ва таъриба алмашиши учун имконият яратишдан иборатдир.

Фотобиенналеда АҚШ, Буюк Британия, Бразилия, Беларусь, Германия, Италия, Испания, Канада, Хитой, Франция, Швеция, Молдова, Нидерландия, Озарбойжон, Россия, Туркменистон каби 32 давлатдан 200 нафардан ортиқ фоторассомнинг ижодий иши томошабинлар эътиборига ҳавола этилди. Ушбу ижодий ишларда тинчлик-осойишталикни сақлаш, жамиятда ўзаро ҳамжихатлик, меҳр-оқибат, дўстлик муҳитини мустаҳкамлаш, ёш авлодни соғлом тафаккур соҳибига этиб воёга етказишда ижод аҳлининг бурч ва масъулияти улкан эканига оид ғоялар ифодалангани билан аҳамиятлидир.

Ўзбекистон Бадий академияси Марказий кўргазмалар зали, Тасвирий санъат галереяси, Халқаро маданият қаров саройи, Камолитдин Бехзод мемориал боғ-музеи, Амалий санъат музейи залларида рангбаранг кўргазмалар томошабинлар эътиборига ҳавола этилди.

Соғлом бола йилига бағишланган мазкур фотобиеннале доирасида Ўзбекистон ва халқонинг номдор фотографлари билан бирга юртимизнинг ёш ижодкорлари суратларидан иборат кўргазмалар ташкил этилди. Камолитдин Бехзод номидаги миллий рассомлик ва дизайн институти, Ўзбекистон Тасвирий санъат галереясида санъатга меҳри бандлар ёшлар учун ўтказилган маҳорат сабоқлари уларнинг фотографияга оид билимларини янада бойитишга хизмат қилди.

Мазкур нуфузли санъат анжумани юксак савияда, байрамона руҳда ўтказилди, — дейди ЎЗА мухбирига италиялик мусаввир Мауро Ловеккио. — Биз Ўзбекистон ва дунёнинг турли мамлакатларидан келган фотомусаввирлар ижоди билан яқиндан танишиш имкониятига эга бўлдик.

Ўзбекистонлик ёш фотограф Фарход Каримов «Шар ўйнаётган қизча» сурати учун VII халқаро Тошкент фотобиенналесининг Гран-при соврингига сазовор бўлди. «Энг яхши бадий фото асарлар», «Энг яхши ҳужжатли фото асарлар», «Энг яхши ҳужжатли фото асарлар туркуми учун» каби номинациялар бўйича Андрей Ветров (Беларусь), Земфира Махмудова, Илгор Жафаров (Озарбойжон), Ольга Коренчук (Қозғистон) биринчи ўринга лойиқ топилди.

Назозат УСМОНОВА

РЕКЛАМА ВА ЭЪЛОНЛАР

ЎРМАТЛИ ИШБИЛАРМОН ВА
ТАДБИРКОРЛАР!
«REALTOR GARANT BUSINESS»
МҶЗ СИЗЛАРНИ ҲАМКОРЛИККА
ТАКЛИФ ЭТАДИ

ЛК ООО «FERON LEASING» тасаруфиди бўлган Тошкент шаҳри, Юнусобод тумани, Олой бозори берк кўчаси, 23А-уй манзилида жойлашган, умумий майдони 1530 кв.м бўлган офис биноси сотилади. Баҳо — 1 500 000 000 сўм.

Таклифлар ҳамда қўшимча маълумотлар билан қуйидаги манзилга мурожаат қилишингиз мумкин.

Тошкент шаҳри, Миробод тумани, Бухоро кўчаси, 10-уй.

Мурожаат учун тел: (91) 790-73-12, (93) 535-82-00

Лицензия RR 0052



Тошкент шаҳрида 16 октябрь куни ҳаво ўза-риб туради, ёғингарчилик бўлмайди. Шарқдан секунди-га 3-8 метр тезликда шамол эсади. Ҳарорат кечаси — 7-

9, кундузи — 23-25 даража иссиқ бўлади. Ўзгидрометнинг мониторинг хизмати маълумотига кўра, 16 октябрда Тошкент шаҳрининг об-ҳаво шароити шохар ҳаво муҳитида зарарли моддаларнинг бир оз йиғилишига имконият яратаяди, ифлосланиш даражаси паст бўлади.

(Газетанинг навбатдаги сони 17 октябрда чиқади).

Спорт янгилеклари

КУТИЛМАГАН НАТИЖАЛАР

Мазкур турнинг кутилмаган натижаси Фарғонада «Нефтчи» — «Сўғдиёна» жамоалари учрашувида кайд этилди. Унда дастлаб мезбонлар ҳужумчиси Рўзимбой Аҳмедов 71-дақиқада ҳисобни очди. Кўпчилик ўйинда фарғоналиклар ғалабасини

тахмин қилаётган паллада чемпионат аутсайдери — «Сўғдиёна» вакиллари сўнгги сониаларда ҳисобни тенглаштиришди — 1:1.

Қолган учрашувлар қуйидагича яқунланди: «Локомотив» — «Машъал» — 3:1, «Насаф» —

«Андижон» — 3:0, «Бухоро» — «Қизилқум» — 0:1, «Динамо» — «Олмалик» — 2:1, «Навбахор» — «Пахтакор» — 0:1.

Маълумот ўрнида айтиш керакки, маълум сабабларга кўра, «Пахтакор» жамоаси иштирокида учта ўйин қолдирилган. Ўзбекистон Профессинал футбол лигаси ана шу учрашувлар ўтказилмаган саналарни эълон қилди. Унга мувофиқ, кейинги турларнинг «Локомотив» — «Пахтакор», «Пахтакор» — «Бухоро» учрашувлари эса 21 ва 29 октябрь кунларига белгиланган.

ТАЙЁРГАРЛИК
ҚИЗҒИН
ПАЛЛАДА

Маълумки, 4-16 ноябрь кунлари Қозғистоннинг Олмаота шаҳрида оғир атлетика бўйича навбатдаги жаҳон чемпионати мусобақалари бўлиб ўтади.

Ушбу нуфузли турнирда юртимиз шарафини жаҳон чемпиони Руслан Нуриддинов, жаҳон чемпионати совриндори Улугбек Раҳимовлар билан бирга ёшлардан таркиб топган терма жамоамиз вакиллари ҳимоя қилишади.

Ҳозирда оғир атлетикачиларимиз жаҳон чемпионатида жиддий тайёргарлик кўришмоқда.

Мухлисларга маълумки, келгуси йилнинг январь ойида Австралида футбол бўйича жаҳон чемпионати ўтказилади.

ҲАКАМЛАРИМИЗ
АВСТРАЛИЯГА
БОРАДИ

Ушбу нуфузли турнирда учрашувларни бошқарадиган ҳакамлар номи ҳам маълум бўлди. Қувонарлиси, Осиё футбол конфедерацияси мутасаддилари томонидан ўзбекистонлик ҳакамлар Равшан Эрматов ҳамда Валентин Коваленколар Осиё чемпионати баҳсларини бош ҳакам сифатида бошқаришга таклиф этилди.

Ақбар ЙЎЛДОШЕВ

ҲАРБИЙЛАР
БЕЛЛАШУВИ

Сергели туманидаги 7-умумтаълим мактабида «Камолот» ёшлар ижтимоий ҳаракати туман Кенгаши ва Ўзбекистон Мудофаасига кўмаклашувчи «Ватанпарвар» ташкилоти «Сергели ўқув СТК» унитар корхонаси билан ҳамкорликда ўрта махсус касб-хунар таълими муассасалари ўқувчилари ўртасида «Офицер — 2014» спорт мусобақаси ташкил этилди.

Ҳақирувга қадар бошланғич ҳарбий тайёрлаш тизимини такомиллаштиришга қаратилган мазкур тадбир Президентимизнинг 2014 йил 6 февралда қабул қилинган «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги Қарорида белгиланган вазифалар ижросини таъминлаш ҳамда ўқувчи-ёшларни ҳарбий хизматга тайёрлаш мақсадида ўтказилди.

Спорт беллашувида тумандаги академик лицейлар, касб-хунар коллежларининг ўқувчилари ва «Камолот» сардорлари иштирок этди. Ўқувчилар ўртасида тирда ўқ отиш бўйича мусобақа ташкиллаштирилди. Шунингдек, тадбир доирасида ёшларга мажмуанинг авиамоделлаштириш тўғраги хонасида ракета, самолёт ва шу каби техника воситаларини йиғиш бўйича маҳорат дарси уюштирилди.

Тадбир якунида иштирокчилар ташкилотчилар томонидан эсдалик совғалари ва фахрий ёрлиқлар топширилди.

Абдулазиз МУСАЕВ,
ЎзДЖТУ талабаси

МАФТУНА — ТАНЛОВ
ҒОЛИБИ

«Туркистон» саройида спортчи қизлар ўртасида «Шарқ яккакурашлари маликаси — 2014» анъанавий кўрик-танлови бўлиб ўтди.

Ўзбекистон Шарқ яккакурашлари ва жанг санъатларини ривожлантириш маркази ва «Камолот» ёшлар ижтимоий ҳаракати ҳамкорлигида ўтказилган танловда спортчи қизлар спортнинг турли йўналишларида ўз иқтидор ва маҳоратини намойиш этди.

Президентимиз Ислам Каримов раҳнамолигида мамлакатимизда хотин-қизлар, айниқса, ёшлар ўртасида жисмоний тарбия ва спортни оммалаштириш, уларнинг ўз истеъдодини намоён этиши учун барча шарт-шароит яратишга алоҳида эътибор қаратилмоқда. Бу борада Шарқ яккакурашлари ва жанг санъатларини ривожлантириш маркази томонидан ҳам

муайян ишлар амалга оширилаётган. Натижада ўзбек қизларининг қитъа ва жаҳон миқёсидаги мусобақаларда кўлга киритаётган ютуқлари салмоғи ошиб бормоқда.

Кўрик-танловда қизларнинг маънавий-маърифий, санъатга оид билим ва маҳорати, пазандалик санъати ҳамда кийиниш маданияти синовдан ўтказилди.

Таъқвондочи Мафтуна Худоевора «Шарқ яккакурашлари маликаси» деган ша-

рафли номга сазовор бўлди. Ушбу бўйича спорт устаси Камола Курбонова иккинчи, дзюдо бўйича халқаро мусобақалар совриндори Амина Мамедова учинчи ўринни кўлга киритди. Ўзбек жанг санъати устаси Мафтуна Тувева ва Зарнигор Нуриллаева, пенчак силат бўйича мамлакатимиз чемпиони Зулфия Розикова турли номинациялар бўйича ғолибликни эгаллади.

Жавоҳир ТОШХЎЖАЕВ,
ЎЗА мухбири

Жорий йилнинг 16-18 октябрь кунлари пойтахтимиздаги «Ўзбекистон» спорт мажмуасида дзюдо бўйича «Гран-при» туркумига қирувчи йирик халқаро турнир ўтказилади.

ЭНГ КУЧЛИ
ДЗЮДОЧИЛАР
ТОШКЕНТДА
БЕЛЛАШАДИ

Дзюдо бўйича «Гран-при» мусобақалари ҳар йили дунёнинг ўн та давлатида ўтказилади. Эътиборлиси, улар каторидан Тошкент шаҳри ҳам ўрин эгаллаган. Бу йилги мусобақаларда 2016 йилги XXXI ёзги Олимпиада ўйинларининг лицензиялари учун рейтинг очколари берилиши боис, унда иштирок этиш истагида бўлган давлатлар сони ўтган йилгига нисбатан икки баробар кўп бўлиши кутилмоқда.

15 октябрь куни «Ўзбекистон» меҳмонхонасида журналистлар учун матбуот анжумани ташкил этилди. «Гран-при» турнирининг тантанали очилиш маросими

эса «Ўзбекистон» спорт мажмуасида 16 октябрь куни бўлиб ўтади.

Эслатиб ўтамиз, 2013 йили Тошкентда ўтказилган «Гран-при» турнирида мамлакатимиз полвонлари 5 та олтин, 3 та кумуш ва 5 та бронза медалига сазовор бўлишган.

Юртимиз спорт мухлислари яхши маълумки, пойтахтимиз «Гран-при» туркумига қирувчи халқаро турнирга тўрт йил давомида (2016 йилгача) мезбонлик қилади. Ушбу мусобақа 2013 йили илк бор ўтказилди. «Гран-при» мусобақасида 20 дан ортиқ мамлакат вакиллари иштирок этишган.

Самандар БОБОРАЖАБОВ



Манзил: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар: 233-28-95,
факс: (371) 233-29-55

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рухсатга олинган

Нашрни етказиб бериш масалалари бўйича турар жойлардаги почта бўлимларига ёки «Тошкент почтаменти»га — 233-74-05 телефонига мурожаат қилишингиз мумкин.

Газета тахририят компьютер марказида терилди ва саҳифаланди

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзил:
gazeta-vto@mail.uz
Буюртма Г- 1055

Душанба, сешанба, chorshanba,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
5720 нускада босилди.
Қозғ бичими А-2

Нашр учун масъул
Д. Исроилов
Топшириш вақти: 13.00
Босишга топширилди: 14.10

«Шарқ» нашриёт-матбаа акциядорлик
компанияси босмахонаси, Корхона
манзили: Буюк Турон кўчаси, 41-уй

Бош муҳаррир
Ақмал АҚРОМОВ